



220170

kat.komp.



Mag. St. Del

P

Teol. 5214.

Terzkowski Thomas: Tot Academicus septu-  
agenarius suorum aegrum in occasu tenens.







# S O L A C A D E M I C V S



Supremam honorum Augem  
in Occasu tenens,  
Cynthiam Otthomanicam, plenilunium potentiae  
in Oriente praeseferentem, teterrima ecclipsi

P E R C E L L E N S  
D. J O A N N E S  
C A N T I V S:

S. Theol. Doctor, & eiusdem in Vniuersitate Cracouiensi Professor,  
Regni Poloniae, eiusq; Generalis, ac Vnicæ Scholæ.

S I N G U L A R I S S I M V S  
P A T R O N V S,

Ipso Annus Solennitatis Eius die, in Aedibus B. V. MARIE in Summo  
Posnaniae, XIV. Calen: Nouembr: Magnæ Magnorum Virorum Coronæ.

O R A T I O N E P A N E G Y R I C A,

Per

M. Thomam Serstkowicz, Phie in Vniuersitate Cracouiensi Doctorem,  
& in Academia Posnaniensi Rhetorices Professore.

C E L E B R A T V S,

Luciq; publicæ

E X H I B I T V S.

Anno

QVo SoL IVRItIæ Lato MVnDo benè LVXIt:

P O S N A N I Æ.

In Typogr: Rndi D. Alberri Laktanski.

*Ante Coloniam lora donat.*



In Gentilitia Arma Illustrissimæ Domûs  
RADOMICCIANÆ & VIEYSCIANÆ



220170<sup>m</sup>

*Epigramma.*

Ne vacuum cense, vacuum qui gramine cernis  
Hunc CAMPVM: magnis fructibus ille scater  
En rubet, vberiusq; Sabinis horrea glebis  
Stripat, nec putri prædia fruge replet.  
Tollitur inde fames Patriæ, ac attollitur inde  
Fama, cui hinc humor Sanguinolentus adest.  
GRYPHS quoq; non frustra Materna huc prodit in AVRAM  
Hostiles adigit, nare cruore stryges.

Vladislaus à Radomicko Radomicki  
Studiosus Academiæ Posnaniensis  
Filius Patri beneuolentissimus





ILLVSTRISSIMO ET MA-  
GNIFICO DOMINO,  
D. CASIMIRO  
DE RADOMICKO  
RADOMICKI,  
CASTELLANO CALISSIENSI,  
MOSINENSI &c. &c. CAPITANEO.  
DOMINO & BENEFACTORI AMPLISSIMO,  
Auctor omnem de Super prosperitatem  
apprecatur.



*Vgustum Academicæ splendidumq; Solem D. IOANNEM  
CANTIVM, in solo augusto Gentilitij Tui Soli Hemi-  
sphærio ad GRYPHIANVM sydus sua & eligisse & statuiffe  
solstitiorum domicilia, nec inconueniens nec indecorum.  
ubi Magnus inter Planetas Sol, hodie ad Capricorni ima-  
fletit, ILLVSTRISSE & MAGNIFICE DOMINE.  
Dulcis etenim seipso representantis solitudinem non materialis, quia  
mystici huius PHÆBI Sympatia, illud quesuit Solium, in quo non solum  
equidem, at præ reliquis Academico lumini fauentissimū ut enituit, ita nunc  
patet gremium. An equidem lippiet quispiam, in Tuo Gentilitio CAM-  
PO conspicuus, dicti Titanis mira serenitate spatari, reflectique non a-  
uertet radios, in cuius Purpurea Acie Academicis olim Chironibus ad ex-  
collendum tradita, in plantandis doctrinæ floribus, cœlestium inspirati-*  
A  
onum



onum fauor emicuit. Impuber adhuc censebāre, dum maturis virtutum  
pubescens fruticetis, ad continuum maturi fructus incrementum, feruidis  
in hoc SOLIS Ethesij accendebare. Vacuum Gentilitij CAMPI nemo  
retur Monile, quanquam affatim fuso, Maximorumque Maiorum belle  
pro Patria bellantium, hostiumque sanguine confusum, in quo ultra mille-  
na Patrum, tam intra Curules sellas Consos, quā in acie Gradiuos præ-  
seferentium, merita, ex oculis quanquam iam elapsa, non tamen menti-  
bus unquam euaporanda: millena in Te Ipso ILLVSTRISIME &  
MAGNIFICE DOMINE omni genæ virtutis, à tenero vāgue ri-  
gante Academicæ institutionis rore irradicata, pullulant documenta. Quid  
ni in frigido Arctoi Orbis Sarmatici Climate decuit in Fertilissimo ILL-  
VSTRISIMÆ DOMVS CAMPO, vberes Academicæ ad apertos  
SOLIS huius Sacrorum Cinerum radios colligere Palladem, copiosa messis  
manipulos, ubi breui ad Sacra DD: Apostolorum limina Porta Tuo in-  
aduentu Sacra, felici Anno, Magno iubileo, contigit reueratio; vel hoc  
ipso fauens rebus Polonis Cælum, Virtutibus Tuis ut daret calculum sic  
primos ulterioris Tuae vitæ flores sibi candidos, quibus etiam pullulanti-  
bus Adriæ inquieto aurea in annulo data compedes. Non melius CASI-  
MIRI Nomen, rei sua conuenire potuit, quā suauolentibus cassia mir-  
rbaque in Gentilitio CAMPO Tuo, etiam inter debacchantes quosque  
Hæreticorum rigorū Aquilones, Trino Vniue rerum Satori æquabiliter  
sine interruptione odorem ferentibus. Rugierat austeræ Suecorum  
Arctos adfurentium audaciā Leonum rugitus, mediosque inter deficienti-  
um à genuino Principe non iam solius vulgi cætus, sed huius soli Sarmatio-  
ci Magnatum Ordines debacchabatur: in Tuo CAMPO nequidquam  
lambendo perficiens, infanum vesaniæ rabiem in Tuas fortunas extrema  
Vulsani ruina easdem absumere ardens, effudit: imò cuncta Gotorum  
Vandalorumque vada, nihil malacis ad malum conatum, blanditijsque  
E suorum, E fadifragorum Ciuium ad nefandum facinus fœdientia,  
profundis nec facile euitandis ab imo fundo transmarinis exundantia pro-  
cellis, cum alibi anchoras fixere, in Solo Natalis Tui Monilis Solo nul-  
lum salū sui canum reliquere. Declarasti id mente Sabina, fidus utriusque  
sortis Principi Achates, dum dedignatus, ut genuinus Aquila pullus, re-  
spiciens Æternum Solem, inconuenientes militi Ciuique tenebras, liberali  
copia aris effusa, defendendæ gratiā conseruandæque Patriæ, tam perio-  
culosissimo casu, mercenarium Glogouie Equitem conduxisti, illisq; ipsis  
tormentorū machinis, quorum oblatione Te pellicere ad se conabantur,  
strenue hostili toties cum Tuis impetui restitisti, ac in Solo Tuo nihil ta-  
le inueniri, quod Solem lateret, docuisti. Harpocrati etsi adoleam ego, O-  
re ades ipsa ad Lesznam, Calissium, Varsauiam, imò maxime Cuiavie ad Bres-  
stensem Ciuitatem spatiantes, hæc Tua perorabunt gesta, quā Hercules  
a tum magnanimitate, amore penè Codri, animam pro Patria, in tela hoc  
suum



flum dedisti, quàm Hectorea mente, pectus Tuum, pro integritate Principis, tunc libens obtulisti, quum constans infulminatrices Martis ruebas turmas, ut nisi rabidae Parcae, hic in humanas non regenerassent Grati-  
as, pereportunis vitam Tuam seruantes temporibus, Polonia tota, amisso  
sui tanto Defensore, magis quàm ob Dictatorem Latium, doleret. Mira-  
bitur hanc Tuam incomparabilem fortitudinem constantiamque immobi-  
lem sola virtutum incorrupta seruatrix vetustas, obstupefceret hoc factum,  
utq; posteritati nascitura posterior enarret etas præcipiet, sic aeternum  
ut laude viuas. Virtutis premium honorem calens inuidissimus Rex,  
plusquam Vlyssæa exemplar patientiæ IOANNES CASIMIRVS, CASI-  
MIRO Tibi condignum virtutis premium, nouam gloriæ possessionem,  
Illustrissimi Castellanaus Calisiensis, citra curas, non merita, non citra  
virtutes, cum festiuo Larium iubilo, gratanter offerendo, mittit: ut sic  
præclaris Tuorum operum facinoribus, non ex sola duntaxat conscientia  
merces constaret, sed haberet nobile theatrum, Phœbi istius Academici o-  
lim splendore irradiatū, virtus emerita unde undiq; spectata probataq; cete-  
ris vel ad plausum sufficeret, vel ad calcar. Maiora, rerum moderatrix  
Dea, Virtuti Tuae, nec negat nec negabat, verum mens angusta & vetat  
& vetabat, magno contenta fauore. Probitatis tamen huius splendor, ne  
otitari præsentì æuo videatur, in senaculum Martis, senilis plenum graui-  
tatis, Te euocauit; Viennensibus Vniuerso Orbi notissimis, posteritati  
stupendis sistens & Sago & Palmæ; sic gloriosissimæ famæ ut cum GRA-  
TIA Dei, IOANNE Rege Augustissimo particeps ritè fieres, fortissi-  
mus quadrangularis figuræ in quatuor Illustribus Natis Patriæ Atlas, fue-  
tur exemplum Curtijs relicturus. Ipso in ortu Quinquaginta Priami filio-  
rum excidiū Triog unde non decrepitæ felicitatis omen in themate prognosis  
ad Horoscopum ascendebat. Vnus Paris vel ab ipso somno Hecubæ illi cō-  
flagrādi ardens fax, & qui in concussi statūs Tencrorum spes plena fuerat,  
idem irreparabilis ruinæ occasio sic beator in Philippide Philippus, beator  
in suo, in bonitate pessimo, in felicitate infelicissimo Annibale Dux Panorū  
Amilcar. Vterque in vno, alij citra plures in paucis. Gerat Cornelia inter  
Romanas primi Nominis & ornamenta Matronas iubilos prægnantes, non  
sui alia ornamenta esse quàm filios, quos tamen non in sanguineum atrocium  
Numinū ad aras holocaustū, nisi solius in Martis obsequium pro Patria mori, læ-  
tavit, gerat inquam hic tamen desinet ubi Nomini Tuo Illustrissime SE-  
NATOR grandiores dabit titulos hinc Patria, hinc Ecclesia, inde MARS, illinc  
Pallas in Illustribus Dominis D. MATHIA, ANDREA, STEPHANO, VLADISLAE  
oque Academicæ Ornamentis. Posnaniensis Scholæ. Perennabit ubique  
CASIMIRIANVM in his Nomen, quoadusq; Campus hic Gentilitius in RADO-  
MICCIANO reflorescet Nomine In tanta iam Illustrissimarum, quā domi fo-  
risque, quā pro Deo contraq; infernalis Medusæ prolem, virtutum compa-  
ge, tenebrionem Appium quisquis egerit, Homerum & ego ophthalmicum  
ultra



*ultra credo me fore ILLUSTRISIME & MAGNIFICE DOMINE,  
Perstringit gloriæ huius Tux limpidissimus radius natiuam imbecillitatem,  
meam, ne ultra umbratilem in laudem eius agam Opticum, ipse in Celsi-  
orem Nominis Tui splendorem dignè quoddam cessurus sit D. hic Academi-  
cus SOL, & confidens & sciens. Lucem inextinguibilem, quia lucem etiam  
inaccessibilem manentem, Illustrissimæ Tux, quia Senatoriæ immisceo luci.  
SOLEM Academicum indignius Maximi Nominis Tui Decus offero, ut sic  
splendidiùs luceat lux Illustrissimæ Domus in Sarmatico Orbe. Quidquid  
squalidarum, dum in Maximo IOANNE minimus fueram Orator, hacten-  
us inconcinni & sermonis & splendoris fuerit umbrarum, totum id dis-  
spellet Illustrissimi Nominis splendor, vel ex eo, quoddam nefas in radiantibus  
ce tenebrionem stare, & tenebras diffundi: vel ex eo, quoddam tetras eas dis-  
spabit Senatoria Illustrissima Tua Maiestas, si modò patrocinauerit vo-  
oblato, sic offerenti*

**Illustrissimæ & Magnificæ Dñationis  
Mecoenatis Fauentissimi**

Seruo humillimo

& Clienti addictissimo

M. T. S. P. D. P. R. P.



# SOL ACADEMICVS

**P**ericulosis allui & sæper & nunc procellis, nec in securiora eluctari vada: Cretæis vrgeri fatis, & nec Icarias meditari pennas: horridis Bellonæ vastari ballistis, nec modum repulsæ cogitare: Cymmerijs obnubilari tenebris, nec in lucem eniti: æque est ac egere Anticyrâ AA. Quid enim iuratus cœli terræq; rigor, imò laxata Ditis atria, in perniciē nostrī generis truculētius, præsentī ævo, moliri, & ab ipsa Steropis incude procudere valuerunt: quàm cū rapinis vasta cuncta, incendijs torrida, ruinis insepulta, videmus: prorutas domos, euersas fortunas, profugam nobilitatem, omnis humanæ indigam opis, spectamus: raptatos ab Æneis Ascanios, imbellem sexum superbissimis hostium pedibus toties aduolutum, melle & lacte, imò auro fluentium Regionum templa, altaria, focos, & quæq; sacra Diuū penetralia & adyta, solo æquata stabulisq; profanata intuemur? Quid crudelius, siciens humani cruoris armorum Præses Gradivus, vel ab ipsa ferrea Vulcani fabrica potuit postulare, vltimæ tempestatis ingluvie, vt nos absorbeat? quàm cū furore accendit, vt hic fatalis mundi terror ac prædo, hic supra mensuram humanæ superbiz tumens Byzantinus Caligula, ferrum exitiale stringat, & liberam Polonorum ceruicem, imò totius consternatæ Christianitatis, demetat in seruitutem. Quid demum ipsæ etiam terribilissimæ in Eumenidas, graecolentes, Auernalium Cerberi cauernarum tenebræ obumbrandi non tam nos, quàm totius compagem Orbis, iam non de flammivomo laboriosæ regionis Vesuuio, aut vaporifera, Latij horrei, Aethna; sed rapido velut de Hellesponti gurgite, euomere largiùs potuerunt: quàm cornigeræ Orientis Cynthiæ ingentis potentiz, cū mouerunt Orbem; vt nos atrâ suâ caligine obfuset obtenebretq;. Ecquis ergo secretiorum naturæ indagator modò non inueniretur? qui vel cum Sceptrigeris Persarum centoculum non provideat Theombrocton: vel cū aliis, altis in Scamandri gurgitibus fistri grana non quærat, seseq; illis stipet; vt vel illius naturaliter sibi indita virtute pellat has corporis ac mentis afflictiones: vel istius fortitudinem resistendi consequatur. Quis saltem cū inertī Epeo has opacas potentiz Othomanicæ vmbras effugere non audebit? vel dispandere cū Phœbo non curabit? Verū arietet vt lubet, feriatq; ominoso metu, non tamen prosternet cadentes animos, hic atrox periculi impetus, iubent hispidis expedire frontem nubibus nondum præcipites in occasum Poloniæ Soles: iubent bono esse animo quotidiana Diuinæ circa Christianitatem prouidentiz argumenta: en attollit cadentem, crassâ Lunæ Orientis caligine pressam, Lechiæ spem, humilibus votis, & hodiernum ipso ab ortu lucidissimum Academiæ Sidus, triumphī nostrī desiderabilis Auspex, communis Patriæ, singularis Vindex & Assessor, Diuus IOANNES CANTIVS. Assurge iam assurge in meliores ausus vel hinc tota Christianitas, cū intueris de nouis Ecclesiæ scrutinijs lucidos Sanctitatis Diui Doctoris radios fulgere. Exultes effusa in gaudia, cū palā vides, ab occidente explicari Patroni Tui Orientem versus radiantes virtutū splendores; quibus liberari tantæ potentiz tenebris perbelle poteris. Ruet



gnet inuitabili factorum casu donec corruat, inconstantia Machometi verissima protome cornuta Phœbe, & Lechia Clangus, imò tota Christianitas, immarcescibiles adelphides & laurus, nouum intonans Cælo iubilum feret; si huius Diuinissimi Indigetis, improba incommoditatum & tribulationum, afflicta ingluie, latepatentes protectionis radios, humili preceatione assequeris. Communem hanc vitæ nobiscum trahens auram, ideo perpetui in ipsum à Maiestate Diuina benignitatis riuu fluxere, ipsis toti mundo indeffessus ut fulgeret fulgeatq;. Iam in illo Angelica innocentia non soli tantum Patriæ, verum toti cælo fulgebat. Iam amoris Dei ac proximi, qualibet in depressæ fortunæ rabie obuio saluando, placidi sese æstus explicabant. Iam cælestis sapientiæ lumen, tot adyta ignorantium, clarum facilis intelligentiæ instillando iubar, & difficultatum intricatarum plusquam Gordios dispendendo nodos, illustrabat. Totam, vt breuioribus dicam, vitam eius, innumeris virtutum, splendoribus æstuantem, vnde effectus admirandos ubiq; gentium producet, merito Phœbum vocares, nisi istius adhuc inuidiam, qui vt solus luceat, cætera lumina extinguit, lucis suæ benignitate correxisset. Quærat ergo ac summâ contetur curâ vt lubet alibi, tota Christianitas, ad communis hostis ab Oriente caligantis Cynthiæ reprimendos belli fulgores, caliginemq; eius potentiæ amouendam, Phœbi auxiliatrices radios; felicissimam ego ipsi hodie has dispellendi tenebras lucem, bono omine, ostendam; dum B. IOANNEM CANTIVM Academiæ SOLEM rudi licet Mineræ penicillo delineabo: & ipso ab Occasu ecclipsim Lunæ Turciæ inferentem demonstrabo. Conamur dum tantam aggredi tenues spartam, cui sua maieestas supra omnes calamistrorum fucos satis dat venerationis & splendoris; Tuam ô Lucidissime SOL D. Doctor, indignus licet, prostratus tamē imploro opem. Tu illâ Tuâ omnigenâ scientiæ medullâ, meam titubantem linguam corroborea, ac præ inscitia caligantem eloquij cursum, lucis Tux splendore confirma: vt sic quoq; incondita hæc dicta, prodeant in triumphum: nam licet non omnibus detur adire Corinthum, nihil tamen adeo proiectum est quod vsui esse, non possit. Annuere dignaberis humanissimæ beneuolentiæ & attentionis aurâ dicendis AA. cum ipse splendor SOLIS istius tibi commodus, à Te id rectè exposcat.

Augustam Phœbi lucem, angusta definire voce, onusta eius opera, sed venusta, contracto explicare sono, qui ad amussim desudant, vereor ne igne gladio fodere videantur AA. Magnus hic (si Diuino credimus Platoni,) Deus, exili ne prædicetur ab ore, vel ideo meretur, quod rapiat in admirationem vniuersos, quum ipse rapitur, purpurascenti suo in ortu veloci quadriga, yberrima Orbi gaudia ferens. Roseum namq; Phosphori linguens balneum, cuncta aureo viuificat radio, ubiq; terrarum Aeolijs agitata Zephyris monstrat ac ostendit, & non solis Hæmi gelidis in vallibus adeo hilaria Tempe, vt eius aduentui, omnes amœnitatis species arrideant. Hinc fit vt sonoros, cum Eridani leui susurro, tum luscinia suauis non rauco cantu, vultum eius, purpuram & rosas indutum spectantes, sonos reddant: omniparæ Opes decora, monstrent floriferum ver, quanquam vmbra ipsius caliginosa, aliquot tantum horis, sat fecundi subministrando roris, delicatæ fragrantiam Floræ ademit. Vnde non alia illius labra, quàm æqui seruantissima, oraculumq; falli nescium mihi visa, cuius Phanetæ Liberum dixere; cuncta namq; teterrimo liberat limbo: temporum certissimum indicem, nam huius mensurâ ducimur in requiem, deciduorum à fronte sudorum, iustum vindicem: Elementorum rotiusq; cœlestis Machinæ rectorem: etenim agnouere Principem Planetarum, rotiusq; amœnitatis vectorem. Verum non ita intricauit cursum nostri mystici SOLIS



natura, cui quandoq; sua. inest matura tenacitas, vt notus cœlo, vniuerso etiam notus terrestri non fieret Orbi, cùm toties ex rostris decantatus hic Cantus, omnium patuit curiosis oculis, quàm euidentes in Horizonte Polono reliquerit cursus. Si namq; contareris, quis non solus equidem, ast inter omnes solidius, in Jagellonico Sapientium Firmamento ac folio, tot inter confluxus, à tribus propè sæculis, lucens prospiceretur: sanè non tam videres, quàm palpareres IOANNEM CANTIVM. Si seiscitareris, quis medius, vt Sol inter Planetas Regno Lechiadum illo æuo, beatos inter his trinos Spiritus, Sanctitatis ac virtutum splendore fulgens extiterit; actutum deprehenderes, quin atrectares IOANNEM CANTIVM. Excelsa mens Astronomorum, quæ inter plebeia studia atq; ymbraticas curas serpere dedignatur, superas domos dum scandit, totaq; Diuinitati immiscetur, eo ipso Mathematicas disciplinas non esse rem priuatam demonstrans, luculentioris inuestigandi cursûs causâ, luminaris quod præstet dici, gyrum vniuersi quibus absoluat, duos Excentricos secundum quid dictos Orbes, & vnum simpliciter noncupatum, adinuenit assignauitq;. Splendida, vasta amplitudine, vt ædium amphitalami vestibula, interiorum declarant ornatum: ita nobis venturis ad primi Orbis ingentium virtutum stupenda Tua D. Patriarcha penetralia, debet prius laudationis ingressum & prædicationis ianuam, Tuus præbere Ortus. Ortus Mystici Apollinis nostri, non ex mollis Deli, aut rigentis Tauri iugis, vt vatum de erratico constat nugis, sed præruptis vallibus saxosi Carpati, duritie & altitudine ab ipso etiam callido Pæno insuperabilibus illuxit; non vasto ab Oceano auriferum tollens caput, auream puniceo suis quadrigis de eubili fugando horam, flammiferum lauans Pyrocentin, vtrum à rapidis Sotâ Istulaue amnibus, vniuerso Polo Polono, feliciori passu, quam olim Ausonijs oris Phaetonte ductore Cœlestis, hic affulsit. O quàm desiderabile vndis ipsis, imò litoribus verticibusq; Riphæis non modò mortalibus Kentensis Ciuitatis spectaculû. Non ne læta arsit tum Orbi Lechico dies, quo ipsi auricomum orientis huius Titanis iubar illuxit! Non ne lætum decantauit IO, grata hospitis grati Patriæ, quum fulgens ipsius radius Diales ipsius Lares illustrauit. Nec immerito: festinata namq; felicitas illius, extremè laboraturæ, vltra vota maturè præuenit, totum vultum ferens Grazijs concinnatum, ipsoq; aspectu fortunam spirans: ceu omnes ad aliquid à se requirendum inuitaret. Lucina cum Ioue vix Leuantiæ tradunt infantem, Dulcissimi Progenitores, magnum lætitiæ semen præferentes, augurantur meliorem nasci consentaneum è melioribus: hinc natum CANTIVM vniuersæ Gratiæ Patriæ à Superis datam vocant: cùm IOANNEM prænominant: nec in cassum, nam ortum Stanislao & Anna vt SIT-SALVANS Gratia. Radijs armatum, imò salutiferum; noxa enim Originali mundum; sacro, nam Lustrali Oceano tinctum, cùm attolleret caput Tytan noster; Orbem Excentricum sui cursûs primum secundum quid, breui scandit; nimirum Adolescentiam; sanctitatis, virtutum, ac sapientiæ augem ocyus cõsecuturus. Orbis hic Astronomorum delineatione, terræ centro superficiem secundum concavam concentricus, secundum verò conuexam excentricus demonstratur. Diue Patriarcha noster, dum mihi laudandus occurrerit, primus hic ætatis Tux Orbis, adeo virtutum Tuarum fulgens radius, humentes meos, tam corporis, quàm animi, adussit oculos, vt crederet aliquis socordem Murceam mihi sapere, vel Aegyptium Harpocratem Tibi me velle litare, nisi tuus hoc in passu hilaritatis radius, me animaret. Secreta enim æstimatione pensavi, vt tum eruptione virtutis ac sanctitatis tumens Tuum germen, tandem flos præcursor bonæ indolis, lætior magis quàm vberior apparebat, semper spernens superficiem Orbis huius concavam, terræ concentricam, vti multis mutati-



mutationibus obnoxiam vicinamq; lapsibus, & gyraus ceu non per superiorem conuexam excentricam terræ Coelestibus quò facilius donis imbuereris. Animo reputaui meo, vt tum contra rationem ætatis (quæ natura.) maximorû fructuum, maturâ perceptionem, vora ac desiderium, quâ audientiû magna cum hilaritate colligebant. Omnia Te D. Doctor, vltra quàm Herculis columnas; vltra naturæ instituta agentē, cum Rapido cursu suo Orbi Academico, amœniori curu, quàm si trigam cum accurrisset CANTIVS, quo dicam animo, quantâ lætitiâ, suo formosissimo Apollini Craciadû Musæ, Præsidem sui Parnassibicollis, quâquam tenellû salutantes, in occursum ibant, imò ruebant. O felicia tum Craci moenia, quæ iam non Solonem ad conscribendas leges in meditullium vestri recepistis, ast Phœbum luciferum; qui vestræ vrbis adyta & anfractus irradians, docebat iniquos viam veritatis? Feliciora Aquilæ Sarmatarum deposita Cidares baccatæ, Vauel præstantissima ornamenta; quòd iam non Colechorum Draconem ad custodiendû sui, verum ipsum ab expugnatione, imò deprædatione Gallorum, quorundam Delphos defendentem, Appollinem habuistis cælitus destinatum. Felicissimum studiorum Regni Delicium Sarmatici, Septemtrionis Ocelle, vnica vt Filia Regum Lechiæ, sic decus maximum, Cracouiense Archilyæum, quòd natiuo Principum splendori, quo plusquam tribus sæculis ouans coruscas, Planetam hunc lucidissimum; auctorem namq; maioris Tux lucis, bonis auibus Orbi Tuo affixum inspexisti. Faceffite iam hinc mollitie notati Iones faceffite! exulate artificiosæ Memnonis statuæ Orientem salutantes solem: quum ortum D. IOANNIS CANTII suo in Hemisphærio Almâ Matrem Academiam excipientē mira cum hilaritate videris. Tac eatis sonoros edere sonos, cum pronâ salutantem AVE PHOEBE clarè auditis. Ac sanè intereat D. Doctor Diuinum Tuum ingenij culmen, isto in Helicône prius excoli post extolli, cum videris per Pieridum chorum sic coli. Accenditur quippe animus hominû, plurimum cum videt suo in aduentu ominum. Excolendo tenellum genium variarum disciplinarum primordijs adeo veloci cursu quæq; asperrima peragrat, omniaq; abdita artium, quanquam difficultatum nodis inuoluta, splendore sidereo absq; mora penetravit, vbiq; lucis suæ radium, quò alijs faciliior accessus pateat, rutilantem relinquens, vt citius in arge scientiarum ac honorû conspectus, quàm in cursu deprehensus aut visus. Vtustatis perspicacem solertiam vel hinc dignam iudico venustatis, quòd dixerit Solem præteritorum ac futurorum, ceu hunc cui cuncta patent & quem nulla latent notitiam habere, Quàm ego? veriori vtar apostrophe D. noster Phanes, si Te appella- uero scientificum rerumq; omnium tam ante quàm post gnarum. Nonne Tibi erant omnia præsentia præterita, quibus mundus de alijs triumphabat illicia? cum cognitione incomparabili coram Te velut iam togato illa fistebas. Nonne mundus semper notauit Te mundum præterlapsa venturis in instanti copulasse, ventura infallibili mentis acrimonia penetrasse: penetrata occupasse: sic vt augeres exemplorum numerû, ipse inter exempla numerandus. Totum hoc perbellè videbimus, si irretortâ palpebrâ reliquos suos scandentem gradus Phœbum nostrum intuendo persistemus.

Orbi Adolescentiæ subsequitur suo cum cursu Sago & Togæ fauens alter virilitatis Orbis, Excentricus simpliciter, qui tam secundum conuexam, quàm concauam sui partem, globi terrestis centrum minimè curat. Pharetrato nostro Hecato Palladis serpentigera scientiæ ægide, tremebunda- que hasta, non Parthorum spiculis, Orbem virilitatis conscensuro, valedicite omnia concentrica terræ blanda illicia, cunctorum incitamenta malorum: non applau-



applaudens salue non, licet scandentem aspiciatis sublimium honorum splendidam augem, satius vltimum quantocyus dicite vale, terrestria speciem aurei hami præferentia blandimenta. Non vestris enim dolosis allectus illecebris non! ast dulci gloriâ Dei, hanc augem scandit: etenim ne lux sapientiæ eius sub modio ponatur: Bicipiti in Iagellonis Parnasso quanquam à nouem sororibus tempora illius duplici redimuntur præ sacra laurû. Diuæ faciunt, vt virescente perpetuò fronte, nunquam intermorituram scientiam ipsius, Orbi testentur. Quâ enorme esset quam, si Tibi modò filiale os meum in iustam non prorumpat gratulationē Alma Mater! Induis Eum decore, qui amplum decus tuum mox futurus: laureâ exornas Illius tempora, qui aurea & Tibi, & toti Christianitati actutum effecturus est tempora: Philosophicis ac Theologicis Doctorum ornas insignijs, qui omnium Tuorum protinus Doctorum prodromus est inaugurandus. Nec aberrauit Auditores: lactauit filium, experitur Patrem, eduacuit Scientiarum ac virtutum medullis, agnoscit eum sui medellam; cumulauit gratijs, *Gratiâ* lætatur, cum IOANNEM Patronum veneratur. Vniuersi Orbis lucidissimo competit Docti, vt quò affurgat altius, altius sublanaria oxyporo aspectu penetret. Academicus SOL noster supremum scandens Orbis Academici culmen, (cathedram intelligite,) tam altè scientifico animos auditorum penetrans lustrant radio, vt altius illo nemo: adeo lucidè omnes difficultatum perplexitates ingenij sui claritate irradiant, vt lucidiùs ipso ægrè quispiam: quod ipsa in Historiam Homini Dei glossemata, Diui Euangelistæ Matthæi, manifestè testantur. Quantum verò prodigium fortunæ tum erat tuæ, quod meam quoq; Orationem dulci stupore abripit, inclyta Sophorum facultas, cum SOLEM istum, toties lustrantem tua subtilia dogmata, habuisti? An non more apis Marinx, quod hic Augur Apollo, gratæ velut thymæ instillabat, thesuum explanationi, vasto pectore, ceu ex ipso fonte, libens hausisti? Nonne secretiora naturæ, mira facilitate, quod etiam nunc in nouo inaugurando tuo Antesignano, licet ex sacrationi tantum ipsius vestitu, experieris, ad habitum vsq; operandi traduxisti. Audisti tum D. IOANNEM CANTIVM totum gratiosum, & nihil acre indicantem; vnde res homini conuenientes audisti? Vidisti totum placidum, totum amabile, & nihil lividum præsentantem, hinc Ambrosiam labentem è corde Ipsius vidisti. Sensisti totum amore Dei & proximi flagrans, nihilq; inimicum charitati demonstrantem, ideo nectar de pectore Ipsius fluxisse sensisti. Experta es totum voluntati superum conforme, & nihil à veritate dissonum adeo clarè ostendentem; vt clariora Calchas ad Troiam non potulerit vaticinia, nec certiores ex antro Cumanò quàm ab ore Ipsius voces audire. Hæc sola tunc temporis Illius rudentia pectora, modò nostrum, ne fratri dicamus fatue, vel ipsi irascamur ad vesperam sæpè ab ipso geminata metra perbelle testantur.

*Conturbare caue: non est placare suauē,*

*Diffamare caue: nam reuocare graue.*

Auspice Cœlo Princeps Planetarum, semper benignus, ideo cito passu labitur; Diuinoq; agitated Spiritu, reciprocis semper itineribus confurgit, certis declinationibus cursus emetitur, effectus vt varios illosq; mirabiles, quò latius bonitas eius pateat, immundo mūdo producat. SOL noster mysticus, non recedendo à sanctitatis ecliptica, ubiq; miserator, vti IOANNES; optimam homini esse calens medicinam hominem, pari ratione cursus suos dirigebat; vt sic & reliquis mundi partibus, non soli Iagellonico Parnasso, natiuis donis subueniat. Hinc Arcticum versùs, pastoralis, ouium calefacturus animos, monitione, Ilcussium ouile scandit, plùs moribus quàm verbis exempli præstiturus.



Hinc Antartëicis & Aequinoctialibus sua vt luce profit oris, Hierosolimam  
sacratissimo Redemptoris cruore sparsam petit, cuncta eius adyta, feruentis-  
simo amoris Dei flagrans ardore penetrat; vbique radium de suo ore altissime,  
quia humillime prostratus, in terram, mittit, illamq; abundè densas peccato-  
rum, non tam propriorum, quàm Orbis. digerendo aubes, suo iubar; lachry-  
marum fontibus rigat, mirabiliter agendo in idem subiectum; nam amoris  
feruore ac riuo per genas stillante. Totus hoc, præter matutinas ad sepul-  
chrû Domini mulieres, viderat Orbis, stupens, quàm summo mane illis in oris  
à nostris affulsit. Et ne Orientali etiam Cynthiæ pietatis suæ deesse videretur  
lumine, clarum se ibidem illi exhibuit, fidei Orthodoxæ symbola, Diuino pla-  
nè entheo afflatus, clarè explicando. Sed eheu ingrata tantæ lucis, Castoris  
rata fuisse vel Pollucis fatuum ignem, cornigera Phœbe, contempsit illum,  
doctrinæ radium spreuitq;. Verùm age vt lubet age? multum tuis perditis cõ-  
fusa tenebris non luci, noctiuaga Dichotome; veniet tempus, quo horrendo oc-  
casu, Phœbo ab Isto afficeris, luceq; tua, quam æternam opinaris, sola  
tibi relicta ephelide priuaberis, vel saltim ideo, quòd nunc repudio tantam  
Ipsius claritatem habes. Seruatoris nostrum, emensus vestigia, metiri non  
desistit Romanæ Urbis, imò Orbis Splendorum, Patriarcha noster, cursus va-  
riando, Limina; quater dum Tymbos illorum lustrat. Ne fatigeris adeo D.  
Doctor ne fatigeris? magnis passibus disrita regna peragrans, nihil primæ cu-  
ræ salutis parcendo: Cœlum videlicet non animum mutas, siquidem vires ge-  
ris tutas: quia tot virtutum sacrarum centurijs munitas, quot sanctitas exigit  
postulatue. Iam Te, si comparare fas est, olim admirata Gracia Polonum Pe-  
riclem eloquio; Isocratem venustate, Consum consilio, responsis Delon, sua-  
uitate Orpheum, dicendorum pondere Catonem, ingenio Stagyrîtâ, fortitu-  
dine Achillem, patientia Vlyssëm, sanctitatis ac virtutum elixir, & cur tamen  
vadis illuc, quòd alij pergunt liberatum naturam intricatis vadis? Magnarum  
virtutum indiuiduus comes osorum inuidia, aperuit Auditores, quid negotij  
erat suæ cum sanctitatis radijs sæpius Quirinali in colle Patriarchæ CANTIO,  
dum ab ipso extorsit: *Iter Romanum purgatorium sibi fuisse.* Enimverò aliam  
ego SOLE in isto cursûs tam crebri rationem deprehendi, quæ Eum illas in-  
oras prehendit. Nequirit deferere sibi ingenitam proprietatem SOL Acadе-  
micus, cum Cœlestibus imbutus, cœleste spirans Pneuma, cœlestiû etiam nor-  
mam imitabatur. Voluitur proin Orbe cum suo quoquoersus, vt eius bonitas,  
effectus per producendos vniuersis manifestur. Parui quippe duxit Gracia-  
dum Vrbi, & non toti prodesse Orbi, millenos producens effectus, quibus vi-  
vet eius sanctitas vltraq; illud temp9 memorabitur, quo stultorû diuitum super-  
ba, Pario de marmore fabricata mausolea, altaq; Regum trophæa, vltima di-  
es annihilabit. Viget vigebitq; ac æternitatis fastis iam inscripta durabit, vt  
id grata posteritas veneretur, eiulantis famulæ mira sanctitatis illa efficacia,  
dum inflammatus radiante feruore amoris proximi, ex testis, (Cracouia teste)  
præstantiorem Mamertina Obbam reproduxit, lymphamq; terriugæ Rudauæ  
liquidam, in niueam melcam, afflictæ vt succurreret, commutauit. Ibit in-  
posthuma exempla æternumq; manebit, illa Eius pietas, illa misericordia in  
antiquos Belizarios, sacram stipem in propylæo mendicantes, largè effusa, &  
rursus mirabiliter, in accumbentium præsentia, in tryblio effecta, vel solo æstu  
charitatis, in fratres ab ipso dimanante, affecta. Præteream modò licet illam,  
omnium tamen oculos ac mentem hæc rapiet, imò & eruditorum pennas, ne  
interitui detur, efficacem virtutem; quâ in pruinosa niue Irum cubantem, &  
misericordiam, profusus per genas lachrymis, petentem, ardore quo flagrabat,  
nudis



audis pedibus reuertens domum, calefecit: gratiam pro gratia, à mari gratiarum MARIA, ephesbridemq; pauperi oblatam, vel ipsis in postibus Maioris Domus, reportaturus. Taceam & Helidonem illum, aspectu hispidum, namq; stygijs satum vndis, Diuuo Mystæ, sancta sanctorum Coelicibus licanti, insultantem, quàm magno omnium cum stupore, sanctitatis æstu adustum, admiranda metamorphosi in teterrimum transformauit Draconem, fateriq; quis sit coegit; taceam (inquam) tamen ista posteritatem stupefaciant. O inauditi sanctitatis effectus, ipsaq; felicitate stipati? non perennius vobis extruxistis monumentum, quàm Halicarnasso amor Arthemisæ miraculum Orbis construxit. O admirabiles pietatis operationes? an perpetuitatem vestram diruere innumerabilis annorum poterit series, vel temporu vnquam fuga annihilare. Paratæ sunt ac manebunt & illi SOLIS nostri virtuti non atrum sepiæ liquorem, sed laureato calamo Sacrum Musarum muricem profundere, Orbis pænegyres; quæ ab ipso exibat, multa viuificabat, sanabat omnia, non vegetum reddebat neminem, quod ipso in igne Cracouiæ semel, mirabili adhuc apparitione D. Præsulis confortatus, multoties autem in mycrocosmos Orbe sedato, manifestè patet. Sed quid? contentusne his ad Bicipitem Parnassum Craei SOL noster effectibus? minimè Auditores: currit itaq; in Orbis Dominam Romam, virtute piorum radiorum effectus illicò & ibi producturus. Peragrat quum ergo ac iustrat partim Turrigeræ Cybeles, partim Tridentiferi Neptuni, magnam regnorum partem, incidit sorte sanctitatis eius radius, cupidissimos metallorum in Ambrones, à quibus certè nec Ariadnæ filum Gnoxiæ gracile, nec Icari pennæ Dedalæi veloces, quemquam educerent; ipsosq; irradiat. Phœbi operationum effectum scientes aurum, scrutantur Titanis nostri terræ sanctæ viscera, reperta obryza, vt auidi harpages tollunt, pluraque authophori liuidi indagant, nec reperiunt. Sed eiodum veneranda Ops, cur negas asferre Viro Sancto opem? Cur modò vt Israelitarum olim murmuratores, hos truculentos nostri Phænētis prædatores, euomens ignè, viuos, ingenti hiatu, non deglutis, ac terribili inexorabilis Rhadamanti tribunali non sistis? Cur ut Amphiarauum cum equis, pœnis eosdem afficiendo æquis, ore profundo præceps non hauris, ac in baratrum, super illorum semesa vt recubet ossa vorax Cerberus, non demittis? tam nefandum scelus vel hoc ipso vltura. Cœlum cur tuum celas præsidium? Cur ignipotentis Mulciberi fulminantia arma non sumis, & plusquam Giganteam audaciam Aethnam sub ipsam non trudas, quum auxiliari Hercules denegat opem suæ trudas. Orbatum SOLEM nostrum Auditores videbant auro non virtutum speciminibus, minimè proin auxiliantur. Sciebant enim non virtutis atq; ingenij, sed fortunæ ac temporum hæc munera mobilia esse: nec aurum habere præclarum duxerunt cum Curio, imò eis qui haberent aurum imperare. Et ita est; vix namq; suæ sinceritatis luce adyta cordis illorum adeundo percussit, extemplò eosdem sibi subiectos fecit, admirandos in pectoribus illorum producendo effectus: etenim fructus pœnitentiæ salutiferos. O quàm præclarum & posteritati à comptis decorisq; ingenijs enarrandum sanctitatis tum opus Vir inclytus Beatus IOANNES CANTIVS operatus est. Quàm stupendam viuido eloquentiæ melius succo, quàm cedro atq; Aegyptio bitumine contra vetustatem muniendam virtutum operationem tunc exhibuit. Incidit in latrones, vt efficiat pœnitentiæ tyrones: spoliatur auto, ne illi æternitatis spoliarentur lauro: reuertitur ad illos, vt illi reuertantur ad Christum; fateretur culpā, ac petit veniam, vt ipsi quoq; fateantur scelus sic lucraturi veniam: cadit in terram, vt illos erigat à terra: reddit nummos, vt illos æternæ gloriæ hæredes



redēs faciat summos. Et hæc erat hæc, quàm ego deprehendi Auditores cursûs Romani causa nostri SOLIS. Variabat cursus, ut pro opportunitate locorum varios effectus produceret. Voluebatur suo cum Orbe, ut toti eius benignitas manifestaretur Orbi. Rotabatur suo cum circulo, ut efficax Illius sanctitas, minimo pateret vniuersi circulo. Hinc & Romana mirata sunt Ipsius Coelestis ingenij liquores rostra, ac Musarum medullam, imò & fauos venustatis plenos, sacris Heliconijs Palatijs, non melliferis Hyblæis alucarib9 depromptos, dum effusa verborum procella & glomeratis sententijs, Peripathi Sophorum, mira facilitate dogmata, planè explanabat. Sed properantes ad punctum cursûs Orbis tertij colophonem huic assignemus.

Tertium tandem cursûs sui, prouectæ nimirum ætatis, globaturus Excentrici secundum quid alterius gyrum, redux feliciter Craconiæ adest. Graditur dum ergo notabili debilitate fractus, itineris clarum ostendens effectum, seq; verum sapientiæ gestorem, progreditur obuiam venienti Polonia, eòq; sanctiorem veneratur, quò aspicit ephelide omniq; genere incommoditatum macilentiozem. Effunditur adeò exultans, excipiendo eundem libes, suo cum Parnasso Craconia, ut dicas reuertentem salutaturas suum Syracusas exire Platonem. Alter hic Orbis, Excentricus secundum quid, sapientum demonstratione, parte concava centro terræ Excentricus, conuexa verò Concentricus declaratur, quem senili etiam ætati jurè adiudicabis. Senectutis hunc Orbem simulatquè conscenderit, peridromidis affectus metam., vniuerso Iagellonico, imò quid dico Iagellonico? toti Orbi proplasma omnium virtutum, factus. Iam hic probitatum fundamentum humilitatem, Diuum licet honoribus secundum partem conuexam sublimem, ut ingentem Caucasû, in profundas valles, ad ima cuiusq; pedum ruentem, non quòd Concentricus sit terræ, uti grauatus annis, verum quia humilis; sæpè spectares. Iam abstinentiam seruantem Orphicam, Milonis peræsum gulam, assata carne adurentem os proprium, poenâ hanc appetitû ut castigaret suum, stupens videres. Iam castitatem, liliû inter spinas in mortalibus, non extra purum corporis illius domicilium, ast intra, qui exstructas à prouido Metello, vulgivagæ Veneri extra Romam ædes venerabaris, idem venerareris. Iam liberalitatem omnib9 indigentibus liberali Probo, si comparare licet, copiosius elargientem, toti mundo libens propalares, prædicaresq; ad illum assiduos intrasse inopes, remeasse beatos Contemplationem, quâ semper ceu igniuomo pyrobolo, ipse quandoq; Theandrico raptu sublatu, Cœlum expugnabat ut vini pateretur, non tam cerneret quàm sentires. Dicam paucioribus; ostendit se se non virtutibus obtemperantem, sed omnes stipendiarias sibi fuisse. His luens virtutum splendoribus sensim labitur in occasum, vel ideo ut ibidem quoq; eius copiosiorum experiantur opem: vel ut Æterni Patris Filio Soli Iustitiæ orituro cedat: etenim mortalitatis ineluctabili lege nobis occidit, Christo postridie nascituro. Enimverò quòd properas splendor noster D. CANTI? ec quid Tuos indigenas relinquis in squalore, Tux præsentis inbar ab illis tollens. An radii Solis Iustitiæ Tuos enecant, aut cedere nostro demesuratio ad Antipodas cogunt? imò mutuare lucem de ipsius inaccessibili luce, quò clariùs tempore necessitatum mundo fulgeas. Occidentem ac iam purpureas in balneo Oceani lauantem rotas Phœbû, erudito symbolographus lemmate insigniuit. *Occido clavior ut oriar.* Ad properantem sub umbras mortis ne desperes in molestia quin gaudeas Polonia! cum haud occidit & SOL noster sic, quasi non oriturus, sed abit ut inuatuus lucē, æternum cœlo fulgeat, & afflictæ Patriæ opportuno tempore maioribus protectionis cum radijs oriatur: omnesq; opprimentes Christianitatem Planetarum scintil-



scintillas dispanat ac dispellat. Hucusq; Phœbum, Academicum tres orbes percurrentem, ac effectus varios ubiq; producentem inspexistis Audiiores. Videte etiam ab Occasu quàm efficacia præsentis ævo operationum genera largè profundat.

Opiniôr vestrum auribus funestum illud ac terribile intonuisse classicû, quod furibundis cum minis Christiano Orbi, indixit immanissima illa Orientalis Bellua; tot regnorum funeribus ac Prouinciæarum vastitate exultans; tot armis terras obsidens; cœlos sagittis obumbrans; Neptunos compedibus vinciens; quot olim Xerxes: imò iam & vniuersam, infanda bellorum rabie, Orthodoxam Rempub: afflixisse, arbitror Vos, quâ foris, quâ intus rectè sensisse. Semiformis namq; istius Machometi Phœbe, aded non tam radiantè quàm coruscantem potentia lucem, Orbem per vniuersum extendit dilatauitq; vt omnes terras mariaq; emensa ac parricidiorum furijs agitata, ipsi etiam Latio diras ruinas, totiq; Europæ funus meditaretur. Ergo fortè desperabundis, ne vltimam nos reliqui internecionem patiamur prospiciendum erit? Ergo istius tumida Cynthiæ opacâ caligine ne opprimamur, prouidendum? Ergo iam illius exercitum, rectius dicam, noua legionum examina, terras depopulatura, & siccatura fluuios, ne ab ipsis cæteri conteramur conculcemurq; extimescenda? Minimè minimè Auditores: videmus etenim sua cum luce, vt dissipet hos tenebriones adesse nobis etiam ab Occasu Solem Mysticum Academiæ B-IO-ANNEM CANTIVM. Oecumenicus enim Orbis Christiani Præses, qui ritè soluendi ac ligandi clauis concreditas sibi à Superis ad præsens felicissimè tenet INNOCENTIVS XI. vbi aduerterit Phanetem nostrum, quoquoersus vt ante protectionis radios explicare, & nondum in Auge apotheoseos consistere, totus in hanc curam ac cogitationem compositus exitit, vt quantocyus culmen honorum Ecclesiæ Dei conscendat, augurans Illum terribili Othomani Lunæ caliganti luci, eclipsim mox teterrimam allaturum. Hinc Sancta Sanctorum honori eius fieri mandat. Hinc Canonicis choros ac pulpita tonis impleri iubet. Hinc tristem eius occasus diem, licet ex horrida, etenim brumali, lætâ nihilominus: namq; peruigilio Natalis Christi insignita die, Vestæq; odoriferæ sacratio Mense, in præsentis rigido Marti dicatas horas transfert, vt ita maiori nostrum opportunitati occurrat. Prouidit enim tum, cunas quum Saluatoris Christianus celebrat Orbis, incipere attolli in Hæmisphærio macrocosmos Solem Cœlestem, ac omnia reuiuua, sua luce præstare, quod modernum denegat tempus, macilento deturpata colore cuncta exhibens: vel ideò, quia benignus Planeta à Libra declinat, & bellorum Præses Hæmocharès, nostris maxime in oris dominari teterrimè auspicatur. Monstrat ergo nobis ortum nostri Mystici SOLIS luce hodierna, qui non tam plantarum suo lumine reuiuiscienti gratanter subueniat necessitati, quàm totius Christianitatis oppressæ armorum furentis Gradiui strepitu; qui Boristhenis venenatorum spiculorum & non cæliuagas nubes dispanat; qui horrendos Helleponti, & non æthereos turbines dissipet; vt sic Octo beatitudines in Octobri, Aquilæ Sarmatarum, totiq; Europæ, largiùs quàm olim fabulosum per Iouis Taurum liberatæ, cœlitus offerantur. Nec in cassum summum in terris Vicarium Christi hæc fecisse constat: etenim armatus nouis honorum radijs, mutuatusq; à Sole Iustitiæ inaccessibleem lucem ac multipotentem operationem; & non exoratus vt pater sua cum protectione nobis exoritur. Cynthia vniuersi luminare minus, attestante magistrâ Astronomorum experientiâ, tum demum eclipsari dicitur, cum diametraliter Eclipticis in nodis luminari maiori opponitur. Sago & Togâ famosissimam, vnde Regiam Vrbiû vocatam Romam,



*Septem quæ una sibi muro circumdedit arces,* quæque aliquoties Orientis Draconis caudâ est impetita, ad Occasum sitam: Bizantium autem, Draconis istius velut Caput, cui Luna Machometi insidet, in Oriente positum: nemo est qui eat inficias. Macte SOL noster macte Diue CANTII auspiciatò iam capisti Romæ sanctitatis & honorum radios Bizantium versùs, vnde tot sæcula Vniuersum obfuscantes Orbem, argentei scintillant crines, Phœbes Turcicæ potentix, ita explicare: vt libens fateatur, à Tuo glorioso ingressu in honorum augem, oris in Ausonijs, caudâ sui Draconis nuper etiam lacesseis, se superbientem plenilunio felicitatum, cæpisse Tracijs in terris, capite proprii in Draconis, horrendè ecclipsari. Expandisti iam nouiter adauctorum splendorum quaquaversus auricomum Tuum aspectum, & adeo replèsti totam Christianitatem ingenti lætitiâ, in protectionem lucido mutato iubari, vt rectè Tibi illud tribuatur: *expectate venisti.* Apagesis noctiluca cum tuis fastuosis dictis, *Omnes sub iugo meo gemunt* Cynthia, apagesis: breui senties nihil suo statu perpetuò manere, imò honores, Regna, Imperia, cæteraq; omnia, in casu sita, ac temporibus gubernari. Fateberis nihil semper florescere, quinimò ætatem succedere ætati, ludereq; Diuinam in humanis potentiâ rebus. Ac ita est Auditores: ex quo enim noua Apotheosi exornari, æternisq; Chronographorum fastis consumatæ sanctitatis inferi SOL CANTIVS auspiciatur, extunc quasi redordiens his cum splendoribus, bicorni Orientis Lunæ, teterrimam cæpit inducere ecclipsim, in dies maiorem minitendo. Nec gratuito: in Apogæo enim noctiuaga suos dum absoluit cursus Phœbe, lustra ferarû abdyta lustrando, minori afficitur per experientiam ecclipsi. Perigæum cum adueniet sui Epicycli adueniet Ipsi & vmbra maior. Calcabit vmbra terræ Illius Sanctæ, in honoris auge sitæ, tua cornua calcabit errans Heccate, deprimetq; ita, vt posthac nequeas superbum attollere caput. Indigna luce Ipsi, in tenebris plusquam Cymmerijs; nam Acherontis, æternum delitescas, vel ideo quia radium doctrinæ Eius, & Lynceos animi penetrantem oculos, tum despexisti, quum ad Archiatri Nostri gloriosum sepulchrum Solymæ, eundem tibi libens indicabat, explicabat. Experieris Ceruæ quomodo rodenda vitis, cum senties, immemorem beneficij omnes odisse. Sed quid dico experietur, imò iam & experta Auditores, illâ Viennensi inauditâ sæculis, & posteritati admirandâ victoriâ teste, quæ etiam in ipso æternitatis Capitolio eminet, terras peragrata. Quis enim Deus medijs bellorum in procellis, hæc otia fecit nobis; Saturniq; propè curauit restitui Regna; si non ante conflictum ad sacras Tumbæ illius Aedes impetrata protectio: IOANNES enim IOANNI Clypeo fortiû, & Christianæ rei Statori dexteræ, suæ intercessionis potentiam dextrè admouens, æternum Lunæ Othomanicæ fecit defectum; Maximiq; Imperatorum cum gloria, Christianum Orbem, metu impiæ barbarorum tyrannidis exemit, ac labyrinthicâ opacitate liberauit. Exurget nunc sui ostentatrix vetustas, & innumeris literarum vulgata monumentis, jactet exempla, tremendi Herculis, vel furibundi Hectoris armipotentem fortitudinem prædicet, decantatû omnibus, Aegæi Iuuenis aliorumq; laudet officium, vt hæc Delphico Oraculo veriora esse successura posteritatis credat, quæ mendacijs Vatum caueatam fidem tempori debent: Tuam protectionem D Patriarcha, sapientum cætus ingenij humeris, & quasi cervicibus supra ipsa mausolea veriùs ferent. Figent tibi trophæum æternitatis, quod nec livor osor, aut diuinitatis arrofor: nec temporum profunda labes aut tabes deleat, imò quod Colosseo opere perennius sit, Chaldæosq; subruat ac euertat labores; siquidem Te Christianitas tota Generalissimum, ac primum post DEVM & MARIAM illo in passu sui GENE-

RALIS.



MAISSIMI Beatissimum Patronum ut agnouit fatetur, ac ouans veneratur.

Atque ita SOLEM Academicum res vitæ glomerantē Orbes, stupendasq; Sanctitatis ac omnium Virtutum gratias ubiq; terrarum elargientem, vidistis Auditores. Audistis fatorum inenitabili, cum extingui videretur nube, ut inter nos tum demum radians luce inextinguibili: nam mutuata à Sole Iustitiæ DEO, coepit operari.

*Ergo quum immensum spatij confecimus æquor.*

*Est iam tempus equum, fumantia soluere cella.*

Vnicum tantum restat ut meam ad Te SOLEM, lucis incomprehensibilis Beatissimum, conuertam apostrophem, Diue Doctor, B. IOANNES CANTI. Implorantibus opem, nondum soluto mortalitatis tributo non denegabas, cur modò maiorem denegabis, cum Elysios spatiaris per campos, persuasique frueris coelituum nectarē; cum æternitatis gaudes hæreditate, dulcisonoque spirituum melo; cum oculo ad oculum, quem desiderabat anima Tua, ingenti cum læticia intueris. Ardente amore Proximi, nondum expleto magno die, Te omnibus exhibuisti, quidni modò: cum frueris colophone amoris huius, copiosā mercede in coelis. Explicabas Tuæ protectionis radios, nondum ad porticum æternitatis euocatus, toties priuatarum per adyta personarum, explicare digneris & modò ad extremam caligantis potentie interpretationem hostis istius crudelissimi, cum tota Christianitas supplex prostrata mendicat à Te eundem protectionis radium. Indigetem Te suum appellat, cum terrestri miseria pressa ad Te appellat. Vocat misericordiam, cum Te IOANNEM interpellando sæpius vocat. Petit Tuam protectionem, quoties illam cornu acuto, Cynthia Machometi petit. Tantò perfectiorem dictitans futurum, quantò libentiùs miseraberis illius doloribus. Progredere feliciter SOL Beatissime progredere, nec desistas, coeptum quoad opus magno Dei cum honore ad effectum deducas. Ante Solium Luminis inaccessibilis supplex Te prosterne, ut Patriæ, Academicæ, totiq; Christianitati redeant Saturnia Regna. Afflicta tot malorum Iliadibus Patria, non jam Tibi millenam Dictatoris Syllæ hac pro gratia, sed æternam litare Hecatomben pollicetur. Academia pacifica sui pro conseruatione, tot Tuo honori annorum dicare lustra, quot jam in Tui laudem protulerit verba, compromittit. Tota Christianitas suum Te æternum vocare spondet Patronum, ultra tot Olympiades, quot literas Tuo Nomini indignus

DIXI.







21. 7. 4







